



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
13 FEBRUARI 2017 (ISNIN)

AKHBAR

MUKA SURAT

Berita Harian

- 'MPAJ usah tutup periuk nasi kami'

12



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 13 FEBRUARI 2017 (ISNIN)	
Akhbar	Berita Harian
Tajuk Berita	'MPAJ usah tutup periuk nasi kami'
Muka Surat	12

Ms.12 Isnin, 13 Februari 2017 BH

→ HALAMAN KOTA

ISU ROBOH TAPAK GERAI DI BUKIT AMPANG SAUJANA



Sebahagian penjaja membantah MPAJ meruntuhkan tapak gerai mereka di Bukit Ampang Saujana.

'MPAJ usah tutup periuk nasi kami'

23 penjaja dakwa ada dalang sebalik tindakan PBT

Oleh Mohd Zulkifli Zainuddin
mohd.zulkifli@bh.com.my

Ampang

Seramai 23 penjaja yang beroperasi di Bukit Ampang Saujana di sini, kecewa apabila Majlis Perbandaran Ampang Jaya (MPAJ) meruntuhkan tapak gerai di tepi bukit berkenaan, sekali gus menutup punca pendapatan mereka.

Mereka mendakwa tindakan diambil MPAJ pada 27 Januari lalu itu dipengaruhi kepentingan lain, terutama kemungkinan membangunkan kawasan terbabit yang menawarkan pemandangan indah bandar raya Kuala Lumpur.

Tinjauan BH mendapati struktur tapak gerai dibina penjaja di kawasan sepanjang lebih 20 meter terjejas teruk hingga menyebabkan mereka terpaksa berpindah ke behu jalan untuk terus mencari rezeki.

Pengerusi Persatuan Peniaga dan Penjaja Kecil Bukit Ampang Saujana, Anwar Omar, berkata mereka yang sudah berniaga lebih lapan tahun di kawasan itu kesal dengan tindakan MPAJ serta sikap wakil rakyat yang tidak membantu.

Promosi pelancongan

"Kami bertungkus lumus mempromosi kawasan itu sehingga menjadi tarikan pelancong. Sepanjang lapan tahun berniaga, tidak pernah berlaku apa-apa kejadian tidak diingini kerana tebing bukit berkenaan sudah diperkukuhkan.

"Sebelum itu, kawasan berkenaan hanya hutan. Selepas kami bersih dan perkukuh tebing berkenaan, ia berubah menjadi kawasan terbuka untuk melihat pemandangan cantik bandar raya Kuala Lumpur," katanya.

Katanya, mereka sudah berulang kali memohon lesen perniagaan sejak lima tahun lalu, namun tidak pernah diluluskan tanpa sebarang alasan walaupun sudah memenuhi segala syarat, manakala wakil rakyat lapan tangan atas alasan tiada kuasa untuk membantu.

Beliau mendakwa, keadaan bertambah buruk apabila MPAJ menutup kawasan berkenaan selama enam bulan dan penjaja yang terus berniaga di situ dikenakan saman sehingga RM3,000, malah ada yang mencecah RM12,000.

"MPAJ cadangkan tapak di Ampang Water Front, namun penjaja yang berpindah ke situ hanya mampu bertahan tiga bulan kerana lokasi terbabit kurang dikunjungi pelanggan berikutan lokasi tidak strategik, sempit serta banyak sampah sarap.

"Ketika berniaga di situ, penjaja hanya mampu mendapat antara RM7 hingga RM30 sehari, jauh lebih rendah berbanding ratusan ringgit hasil jualan ketika beroperasi di Bukit Ampang Saujana," katanya.

Beliau berkata, demi mencari sesuap nasi, penjaja yang bergantung penuh kepada hasil berniaga, terus beroperasi di Bukit Ampang Saujana sehinggalah MPAJ mengambil tindakan drastik pada 27 Januari lalu.

"Kami berulang-alik ke pejabat MPAJ bagi mendapatkan penjelasan, namun tiada maklum balas diterima walaupun beberapa memorandum sudah dikemukakan kepada pihak berkuasa berkenaan," katanya.



Anwar Omar,
Pengerusi Persatuan Peniaga dan Penjaja Kecil Bukit Ampang Saujana

ADUAN PEMBACA

Pembaca yang ingin mengemukakan pandangan atau masalah boleh e-mel ke bhnews@bh.com.my

[FOTO MOHD YUSNI ARIFFIN/BH]



Info

Bukit Ampang Saujana

- Operasi penjaja 6.30 petang-4 pagi setiap hari
- Jadi tumpuan ramai, terutama ambang tahun baharu, Hari Kebangsaan

Sebahagian penjaja melihat tebing yang dikorek MPAJ di kawasan penjaja di Bukit Ampang Saujana.

Reaksi



Walaupun hasil jualan di Bukit Ampang Saujana mampu cecah RM200 hingga RM300 semalam, untung bersih hanya sekitar RM50"

Rosliza Yusof,
Peniaga makanan



MPAJ sepatutnya bantu penjaja Melayu. Ini sahaja mata pencarian saya untuk membesarkan anak"

Md Ali Md Noor,
Peniaga sate



MPAJ perlu sediakan lokasi lain lebih baik dan strategik, bukan sekadar 'lepas batok di tangga'. Kami bukan orang senang, saya perlu sara tiga anak"

Suriawati Kamarudin Nasation,
Peniaga



Bukit Ampang Saujana lokasi baik, ada pemandangan Kuala Lumpur. Difahamkan ada projek pembangunan dirancang di situ"

Hamdan Mohd Salleh,
Ketua Setiausaha JMM

Syor jadikan lokasi penjaja tapak pasar malam

Ampang: Penjaja di Bukit Ampang Saujana mahu Majlis Perbandaran Ampang Jaya (MPAJ) menjadikan lokasi operasi mereka sebagai tapak tetap pasar malam supaya boleh terus berniaga tanpa perlu dipindahkan ke lokasi lain.

Mereka tidak mahu pisang berbuah dua kali apabila sebelum ini berpindah ke lokasi dicadangkan pihak berkuasa tempatan itu, namun kerugian kerana kawasan baharu

tidak strategik dan ada banyak kekurangan.

Penjaja juga mendesak MPAJ membina semula tapak niaga di tebing bukit berkenaan yang dirobek pihak berkuasa pada 27 Januari lalu supaya mereka boleh kembali berniaga.

Bagi Rosliza Yusof, 43, yang menjual makanan dan minuman, kehidupannya bersama suami dan lima anak mereka berusia empat hingga 21 tahun iba-

rat kais pagi makan pagi, kais petang makan petang.

Kena saman RM3,000

"Walaupun hasil jualan di Bukit Ampang Saujana mampu cecah RM200 hingga RM300 semalam, untung bersih hanya sekitar RM50, saya memang harap kekal di situ, malah kawasan perniagaan kami boleh dijadikan pasar malam," katanya.

Dia mendakwa pernah disaman RM3,000 oleh MPAJ tahun lalu ke-

rana beroperasi secara haram di Bukit Ampang Saujana sehingga terpaksa menebal muka meminjam daripada rakan bagi mengelak dihukum penjara berikutan tidak mampu membayar sama.

"Jika terus berniaga di Ampang Water Front, saya rasa sudah mufus kerana modal pusingan pun tak cukup, apa lagi untuk belanja seharian. Saya pernah dapat RM7 semalam berniaga di situ kerana kurang pengunjung berikutan bau

busuk dan kotor," katanya.

Sementara itu, Ketua Setiausaha Jaringan Melayu Malaysia (JMM), Hamdan Mohd Salleh mahu MPAJ mengatur pertemuan meja bulat dengan penjaja terbabit dan mendengar sendiri masalah mereka.

"Penjaja boleh ikut arahan, malah sudah berpindah pun ke lokasi lain seperti dicadangkan MPAJ, namun tidak dapat bertahan lama lalu kembali beroperasi di Bukit Ampang Saujana," katanya.